

統九十三日而去民思之弗忘此豈有所矯飾乎郡之父兄子弟曰吾郡僻在南海之需（士勞）去神京萬里民寡而貧所望以爲天日者良有司耳頃以四方多故羽檄交馳熒溢時作農鮮蓄藏遠近之吐疲於奔命司民牧者曾不是恤復加虐焉自王公來撫哀鴻嚴屬吏懲豪猾綱紀爲之整飭風氣爲之廓清向日里閭比戶應役至於賓筵供具悉取諸民訟者困於勾攝一夫在詞所在株蔓公廉行其實省科派禁牽連用是遠惠邇安頌聲作焉盜賊竊發向僉鄉兵以備戡守公謂不足時適以滋擾且空農爲立罷之時珠案甚屬盜珠者轉相誣扳公爲昭雪瓦全甚眾此王公九十三日內政蹟之表表者今公去矣羣請錫之石維時鐘振以奔表返自滁陽聞父老說如此且囑爲記時以苦塊餘生未暇也大祥復復申前請故記之余用是歎王公在任甫三閱月而廉民思之不忘如此况久於其任者哉斯民也三代直道之所以行詎不信歟公諱如瓚字子薦江西泰和人嘉靖丁酉舉人由淮安丞再補蘇州丞轉虞部郎中出守茲邦以嘉靖四十三年甲子冬十二月庚寅蒞事越明年三月壬戌乃去蓋在郡實九十有三日云

## 海北提舉張公德政序

明失名

海北古台浦郡而鹽課提舉統轄十五場跨海南距嶺西董四郡離此厥任重矣萬歷十四年丙戌秋可所張公時由別駕擢茲任迄今履襪適商裕課頌聲遐邇以治行第一晉秩靖府相國蓋以公舟楫鹽梅任藩王股肱耳目之寄公捧檄曰昔人負天人之才抱治安之略始相江都傅長沙余何人哉若踏踏宦甯者於時商灶請留烏以志去思復刻石以垂永久爰丐余序以揚其盛余謂公詩禮世家清白宅衷仕筮冰葉歷魯粵蜀所至皆有循聲迨淮海北善政不勝書茲姑舉其大者國初以亭戶煎鹽勞苦復其雜差厥後有司廢舊制與民尸一律同科丁多接踵逃竄公至請於上遵例恤免俾通灶得還故業場司久曠厥職歲派無名之費重爲灶累公悉爲清釐先是灶丁困於重役多鬻身富室爲奴以避差徭真鹽田或減稅以利易售遺虛糧於本戶至是丁口清鹽田復大爲沿海窮丁造福如白皮瀕海舟楫稱便夾帶恆多而他場多由肩挑車載土豪倡衆與販肆行無忌公繩

以法無敢違任五年詰弊肅清民灶胥悅今以陞任去而人津津道善政不絕口是序也其事核其言質異日佐天子以治平天下安所施而不當哉請書之帛以贈

## 合浦胡侯去思碑

明邑鄭應科

合浦胡侯以嘉靖三十二年癸丑季冬下車越兩辰入覲旋任未幾擢甯國司馬去侯既行而民思之不置爲亭立碑紀侯德政屬筆於科謹按侯治任未三年而陞蓋三載考績故轉秩必歷一考遲則兩考今侯則未及三載而遷矣殆諸當路以侯碩望素著可膺不次之擢乎其以海濱炎荒未足展侯之才乎願民方安於侯之德政其思侯也自不能已合浦民淳易治往侯未至時民苦腹削逃亡他界者踵相接迫聞侯來皆歸業如赤子之依慈母曰今而後其庶撫我乎迨二年求瘼而情俱悉惠宣而澤益流官民上下聯爲一體侯性醇厚圖心坦白稽其爲政要皆平易便民不違道以干譽不立異以鳴高里役省科派編徭絕賄賂二年内賦役均平民出水火而登衽席矣而又聽斷公明案無留牘古所稱父母神君殆其人歟陞秩啟行蕭然囊橐諸餽贖一無所受蓋其清操始終不渝如此侯名濟世字敷才號春琴江西泰和人

## 太守康公德政碑

欽州馮敏昌  
編修

今天子御極三十有八年有道學君子來守茲土曰茂園康公公諱基田字仲耕山西興縣人丁丑進士知江南昭文縣升廣東雷州府同知尋攝欽州遂知廉州府廉地僻左瀕海爲郡明末蹂躪於盜康熙中始翦滅而生理未復百事因循其秀者欲振拔以自淑而不知其然縣公抵郡慨然曰吾儒所學詎有用之而不效者願以風氣困哉遂次第與之更始郡中胥隸暴橫爲民蠹士人或見侵侮其尤姦猾者公未至識其名至則首懲以法每呼前使白事即竦慄無人色久之竄去死餘是中外肅然郡有事諸父老存見太守備言沃苦諸生執經獻藝者見無期若子弟之請業於其師長公於是率郡民復古衙民墟築廩舍二百餘間以徠商賈南北城垣就圯結葺之東南舊有龍江本通海乃從龍津橋尋故道淤者剔塞者開西流繞城南以達於江凡八百餘

其城內之水壅過爲民居患者緣城西繫溝循北街而東注又南注合流以東城隅水洞爲壑溝東西立六石橋凡治諸水道皆公召父老面授機宜使歸各率其屬未嘗發一牒微一夫勤一里正也而工先後畢舉公尤念士氣之不揚也思有以振之於是新學宮堂廡繫泮池拓海門書院以居多士移海門南向爲延師減俸入以裨膏火士緣各屬學升於院者歲有試月有課皆公親督之建坊以表前代任宦者既得蘇文忠公遺蹟於東城瀦水之洲因念公曩移廉地僅兩月而文章風烈至今廉人想慕不衰此尤不可任其湮沒爰於其故處建五楹爲清樂軒以祀蘇公而復長春亭之舊郡署堂戶倚傾廓新之建門樓築吏舍署內有地數畝立亭間爲愛園公每以政餘進諸生於愛園講業興酣輒命移席於長春亭中或來月挾諸生登觀海樓下復放舟東湖賦詩飲酒竟夕忘倦人以爲諸生榮而諸生若有忘其爲太守者方公權欽州時州故患虎公至遂掃跡郡又數饑泚郡之時年遂大熟比歲豐稔廉俗不事蠶桑公教之蠶居人於是興紡織公性廉潔寡嗜好左右僕役不輕假以詞色府中內外潔齋諸凡興廢一本於中心之誠故民之趨事如營其私治廉四載乙未護理惠潮道篆丙申復任尋去官去之日吏民攀轅百餘里不絕有素爲公擯斥者亦感動泣下公去後士民思公德政勒銘以頌公其辭曰帝惠遐方簡畀我公江左政成達於海邦我公治術正厥本源至誠感神敷教無言俗憊已甚掖而起之政弛不張秩而紀之孰利孰病公肇其謀是經是營成不踰時士民有言公實我愛不謂我無知飲食教誨江可以舟梁可以輿使我晝夜行不避於免（草頭）孰荒於原孰嬉於室使我力蠶桑是繅是織自公之來苞苴術窮各愛其名曰無愧我公自公之來忘太守尊士從公遊不叱於閭自公之來民有所恃祈年屢豐以育我婦子公之化行如影隨形或舉於鄉或選於費三海有巖石六有峯明德永垂勒石無窮

## 何郡伯德政記

邑人 王志文 披首

廉州爲瀕海與區說科難治漢代費孟二公相繼爲守歷代相沿多以名臣領郡廉人士薰陶漸染蒸蒸然有海邦鄒魯之風矣然政教隆替常時至事起賢哲替興其興也又若有數焉限之或數十年一見或百年一見扶衰救敝時存則然如景星慶雲

之不可數見如祥麟威鳳之不可攀援非偶然也今乃於郡伯何公遇之公名天衢號緩齋安徽亳州人嘉慶甲戌以部郎出守  
廉州途中密訪地方利弊廉得其真厥後發號施令皆洞悉民情切中事理士民環聚觀覩相驚以為神治獄聰察果決人不敢  
欺而一以仁恕為本甫下車察靈山武舉葉敬揚冤獄立予平反出台浦文童李煥邦等四十餘人於獄釋之使就學越年入泮  
者六人公之保全士類視民如傷其大端已見於此廉州府縣聖廟湫隘不足以壯觀瞻增長儒林氣色公捐廉為多士倡起一  
年考成殿堂門廡巋然輝煥改觀又念廉郡諸祀皆備而雷神之廟獨闕為建祠專祀之朔望焚香歲時祭告如禮居嘗流覽紀  
載考求政治得失慨然想見古之賢者建費孟二公祠敬禮前賢即以風示寮案郡有海門書院為三州縣生童肄業之所規模  
緝宏敞公慮其久而圯也大加修治購十三經二十四史朱子大全四書講義諸書貯之使府學官輪流收掌列入交代永遠流  
傳並建廉湖珠場兩社學延師訓課窮鄉僻壤之民秀而文者貧不能讀者皆入焉落成時公親臨視學集首事飲酒讀法設立  
社學章程鐫碑泐石記載甚詳又以城內外寺觀祠廟久不治則傾捐制錢六百貫選公正首事領之生息支放以供歲修之用  
俱列入檔案以備稽考廉故多盜公治之不遺餘力每歲巡行郡屬搜剔奸回殲渠魁割耳陳窮治木子墟匪黨置之法於山陟  
馬鬣嶺之高於水涉龍門大觀港之險樓茅店駕扁舟行都蕭然無驛傳供張之擾官民咸頌之公精於吏治勤求治理未嘗稍  
有暇逸公之言曰官箴清慎勤三者以余觀之清慎為體勤為用勤則職業修而政無不舉勤則事無鉅細必躬必親  
不積壓擁塞之弊無自而生每下一令懸一牌與民期約不爽尋刻坐堂隍決事終日無倦容日行事必於一日了之性頗嚴急  
自更其字曰緩齋取古人佩章自緩之義平居杜絕苞苴門無私謁士之廉隅自愛者必禮接之和顏霽色使之盡言無隱公之  
嚴於自治虛己下人若此志文需次家居徒日款款之迂礚礚之信邀公賞識奉命董役者數十恪恭趨事不敢生勞亦不敢稍  
有文飾公之教也公治廉六載終始如一日歲庚辰陞濟東泰武陵道宴紳士於庭殷勤訓別去之日士民填街塞巷泣涕攀轅  
自郡城達橫州祖餞者數百里不絕非徒澤入人之深何以有此公善政不可勝記謹公事之昭昭在人耳目者以誌佩服勿謹

之義云嘉慶庚辰嘉平月

## 贈林教授之任承天序

鍾振

府學教授莆田林少麓先生陞湖廣承天府通判去之日僚屬鄉士大夫祖道郭門外冠蓋相屬里閭無少長莫不奔走若別尊親不忍舍而門下弟子二百餘人送之數百里猶依戀不去先生力止之相與灑淚而別歸則聚於學宮相與謀曰先生家學淵源涵養深邃發為文章其引誘後學如春風之和時雨之潤俾學者超然自得於言意之表各隨其資質之高下而啟迪之其可謂循循善誘者乎士之窘乏壯不能娶死不能殯喪不能葬者咸助之減首宿之盤餐而惠及多士皆人之所難能也今先生行矣知之深者莫如子甯能默默無一言乎余曰嗟乎古所謂奇男子者蓋不多見而豈知寒氈中固大有人在乎先生嘗署提舉司署台浦篆所涖皆有聲而於合浦為尤著採珠世為合浦憲先生署縣篆歲凡再舉綜核調度咸中肯綮故事集而民不擾城以西不戒於火先生加意拯恤不踰旬而咸慶有室廬教諭朱程訓導陳湍履任未幾相繼下世先生為率僚佐諸生經紀其喪事朱教諭於都門揭債之任索逋者至而朱已死先生曰是吾責也為權其子母而償之先生之懿行不可一二紀而此數事尤為人所難為今先生行矣方將推而廣之於三楚大湖南北以澤被天下異日璽書褒美而增秩賜金可操券得其以斯語寄先生尚具圖厥終如其始此固廉人士所日夜禱祝者先生名建邦字懋服福建莆田人嘉靖丙午科舉人其履任也歲在己未其秩滿而遷也歲在甲子居廉蓋六年云

## 贈廉州邢太守序

職官有傳

明大邱  
學士

溶瓊山

嶺海之亂極矣而海以北三郡為甚就三郡論而廉尤其戍化戊子秋七月朝廷允撫按大臣之請推廉郡太守於臬司俾巡海以北而輯甯其人民乃以戶部主事宜山邢君直夫補其缺特賜璽書付以守禦安撫之任命既下凡嶺海人士寓京者莫不欣欣嗟歎以謂五六年前蚤有此舉則此方生靈當不至於此極也言而繼之以太息流涕者有之或曰廉郡得邢君固幸矣而邢

君以名進士通朝籍筮屬地官持心勵行固不下於人人之不必如君者往往位通顯得善地君何幸乃得此殘破之區淮此瘡  
痍之民名雖二千石實不及江南一州邑雖有才能將安施乎予曰此正朝廷所以用邢君意也夫居官於善地雖以中材皆足  
以自見惟限於勢力之不可爲以言度支則乏財賦以言調遣則乏卒伍於是而能起敝起衰以成其功然後見其才之遇人遠  
矣朝廷用邢君而特賜璽書其意或由言此雖然余於邢君此行而有以卜乎廉郡治亂興衰之機矣夫有此天地卽有此方域  
有此方域卽有此民人固未嘗一日有地而無民也廉自峒夷構禍以來今踰十年矣其民死於寇死於饑死於疫死於官軍所  
存者十無二三矣今不爲之所吾恐數十年後廉猶有子遺豈天道生生不息之意哉夫天道三年一小變十年一大變窮則變變  
則通此方亂極而治衰極而興其在邢君茲行乎君行矣其尚體朝廷而顧之憂憫此殘黎食之衣之煦嫗之保障之休養生息  
之肉其骨翼其卵父母妻子其血屬隴畝其汗萊棟宇其荆棘使之復有生之樂而重得爲太平之民豈非君之大賜哉夫然則  
芳名並譽與此方山川同其悠久矣裝主事兼葬郡人也喜得賢太守而鄉人將有蘇息之期求余言以贈余家與廉郡爲鄰於  
是邦有被髮纓冠之義故亦喜而爲言如此云

### 廉郡伯徐公成棟旋都序

濟邑人 梁迪

古之所謂從衆者非從其衆多之心而從其同然之心方今聖天子在上無一物不欲其生全廉郡去京師萬里下流之恩壅滯  
稍易庚子徐公翎蒼來守是邦下車伊始卽曰吾守一郡而目爲提調官提調者立之標也禮義廉恥日提撕而調度之如人之  
愛其子必勞其子期之遠大進之聖賢爰設義學於處唐迪小童學使按臨同心杜絕苞苴所拔盡屬寒士而夤緣冒藉之流懷  
金暮夜無所施其伎倆庚子文武兩閑多士聯鑣獲售斯誠提調之所罕觀者公狷介性成自奉儉樸履任以來一切擾民陋習  
芟除淨盡上行下效閭閻含哺鼓腹不知誰爲之功奉檄督理饑奴冰菓自矢絲毫無染窮灶得沾膏惠而廉南太思四郡  
新舊額餉向難刻期奏報者俱得上考至於修學修志鼎建魁閣葺城治橋通商恤工諸大凡尤所汲汲公明之譽播傳遐邇曾

之天日洵無愧焉壬寅初夏忽丁外艱合郡依依若離慈母乃出同然之心非僅衆多之口也中孚豚魚吉九二之象曰其子和之中心願也孟子曰至誠而不動者未之有也冀遂得之以安渤海張網得之以說張嬰况以淳良康俗有不感孚動情而愛戴不忘哉廉之紳士於公之行也致書乞余言以達其意嘗怪歐陽文忠公宦游四方歷守七郡而獨惓惓於潁時見於文字間蘇子由稱文忠之政察而不苛寬而不弛吏民安之則文忠之得潁人心者其有在矣茲廉人之思公也無異潁人之思文忠也知公之愛廉人也應亦不殊於文忠之愛潁異日霖雨夫下其終始如惠乎廉更有急於他郡者召伯甘棠勿剪伐拜敢以斯言復諸君俾書於錄公其俯念輿情而允其請可乎

### 送林黃門使滿喇加

(口旁)

國序

以下官蹟

邱

溶

皇明之化與天同遠地所限者舟以通之凡在覆載中有血氣者罔不臣屬非但羈縻之僅通貢賦而已其四夷之首長皆受封爵有所更代輒請於朝特遣近臣持節往封之視內地藩翰焉於戲盛矣遐稽三代其疆域西不盡流沙南不盡衡山東不盡東海北不盡恆山漢通西域皆由陸路隋唐以來航海之使始通然皆自君其國各長其民未有受天子命者有之自我朝始考滿喇加(口旁)之有國實我文皇常爲之開疆啟土者也其地在中國西南大海外舊屬暹邏斛國永樂初命中使駕巨艦自福建之長樂五虎門航大海西南行抵林邑又自林邑正南行八晝夜始抵其國由是而達西洋古里大國(口旁)舟旁一徧往支阿舟榜葛刺忽魯謨斯等處逮其回也咸至於是聚齊焉歲己丑遣使封其酋爲王自是凡易世必請封成化辛丑其國王卒子當嗣乃遣陪臣備方物伏闕上請爰命禮科給事中林榮仲仁爲正使持節以往衆以爲仲仁此行乘長風泛洪濤經萬里外真所謂汗漫之游天下之大觀者咸賦詩壯之謂余乃仲仁同鄉先達不可口無言昔司馬子長上會稽探禹穴闕九嶷歷吳楚之墟齊魯之都以觀其所謂名山大川者歸而大肆厥辭然所游不出九州之中而猶大有所得如此矧仲仁茲行越中國之外境所歷者皆天下之絕蹤奇觀也哉余聞滿喇加(口旁)之地諸番之會也凡海外諸夷咸各齋其所有於茲焉貿易種類怪詭物產珍

異其尤異者距其境西南舟行約十餘日有餘鞞國者即所謂溜山也海水傾注其名爲溜水勢漸下力不能勝一芥舟行誤入其中即沈下面無所底止神仙家所謂蓬萊弱水近是又去古里西南舟行歷三閱月有跌伽國者即所謂天方也域中人物大異於諸國俗尚和美民物繁富無愁苦者物產珍美色色有之罔有欠缺且地無雨雪霜雹惟夜露濃露以滋物生浮屠氏所謂極樂世界其殆是與仲仁至彼諸番會集之地詰封禮畢宣布聖天子威德徐觀其會通而詢察之重譯其言徧訪其俗將必有琦奇之見詭異之聞所以開廣其心胸增益其志識者矣嗚呼天下事何所不有惟限於聞見耳歸時尚歷歷以告我

按列傳林榮與行人黃乾亨同往冊封滿喇加(口旁)國泛海溺死文云舟行入其中即沈下無所底止無乃預爲之識與  
轉係台浦人此序故應登載

### 朱提學按廉校士碑

明王 生名

皇帝踐祚三十年道化翔洽人文蔚起海隅日出之邦咸興禮教益廣勵學宮釐正文體實鉅典也至於督學憲臣之選尤兢兢慎之以是爲士林之宗而斯文之秉軸也粵東聖化所沾靡不涵煦亦惟廣惠潮彬彬蔚盛若日南海北之邦乃龍蛇之所窟豺狼之所啤士生其間鮮自振拔而雷廉爲極陋廉視雷又過之學使者往往及雷而止垂三十年矣廉州士子擔簞(竹匪)負笈裹糧就試於雷艱辛萬狀又以四郊多壘萑苻竊發劫掠堪虞是以多士灰心而廉屬幾同化外矣太守郭公怒焉憂之乃修葺試院力請於上於是學使者始於癸卯春蒞廉考校閱旬而竣事官不費供億士不煩資斧賢者進不肖者退一時輿論翕然交相勸勉咸謂廉州寒谷也公實陽春而嘘之廉士稿禾也公爲時雨而濡之夫甯惟多士之幸抑亦廉郡否去泰來之一徵也多士踴躍謀勒貞珉以志盛事囑之王子王子紀其事而銘之銘曰百粵之區廉居偏隅雷陽就試往返路紆擔登竹匪徒步誰念寒儒公之來也乃降自天青衿志喜絳帳高懸春風咸被化雨均沾網珊瑚於海底收翡翠於炎邊從此比屋歌且絃莫嗟跋涉阻山川學使朱公諱燮元號衡岳浙江山陰人壬辰進士昔萬歷三十一年癸卯春二月



# 海北道題名記

明會  
張士純

海北官制相沿不可悉考由漢迄唐類以同姓任內以吳庶姓吏於邊迨宋珠官則或以廉舉或以材任而廉之海北有肅此廉訪等使見於范德機碑有明稽古建官益慎洪武三十五年設海北分巡道維時開鎮雷陽轄府曰四曰雷曰廉曰高曰肇宣德四年又分高肇為嶺西巡道雷廉為嶺南巡道至成化四年設副使二員分轄之成化二十二年裁宏治九年復設副使一員兼轄之宏治十六年巡按御史華公璉疏奏四府壤接獠機難遙制宜添設兵備以專責成廷議官秩相等權相若易於牴牾不若歸併巡道之為便利曰可乃始頒專敕以分巡兼兵備而海北道始移鎮廣州尋改鎮靈山時正德二年也合浦之楊梅青蠶等珠池往設內臣監之窮搜橫斂民不堪命撫軍都御史林公富奏革太監統歸兵巡道制亦曰可乃頒敕以兵備兼珠池時嘉靖十年也蓋自建官以迄於今歷考前官如毛公吉林公錦商公大節名宦志之偉哉烈矣其涉華躋無（月旁）位至通顯者自翁公宴王公崇翁公溥曾公廷（火旁）以外無聞焉豈海角天涯處孤臣孽子之地報績無由上達哉夫邊徼廣（犬旁）悍長民者類多煦煦破觚為圓以故胥吏之舞文積蠹之盤踞窩匪之竊發雖尸懸（日旁）鞭箠而終不能革且屯兵坐食而無紀水寨空名而鮮效類多貪如狼狽於羊求請不厭所欲鼓譟隨之至若蛋人狎於水奸商狃於利官弁惑於餌作奸犯科以徵珠利凡此俗敝兵頑民窮賦急吾未見海北之能為也余謫才承乏如鸞負山祇期洗濯以提身廉訪以肅俗選帥以詰奸任怨以明法而於孤孽之慮毀譽之加咸弗計焉顧題名所在皆有而海北獨缺使先後諸公之或以廉舉或以材任者未能屬聯以昭往鏡來後之視今猶今之視昔奚忍湮沒弗傳乎爰序次姓氏爵里命鐫諸石俾後之君子覽焉

## 永安營所題名碑記

明游  
張紹良

潤洲者古之小蓬萊也孤懸溟渤中四望無際斜陽嶺屹峙於南六珠池環互於北面東西雷廉瓊崖交趾如碁錯而不可睥睨神宗十八年始設游擊將軍駐劄於此因改今名是時游擊為漳南陳公起元其奉敕蒞止也披荆棘闢草萊建城堡創衙宇已

乃招兵撫民而濶洲遂成重鎮焉轄欽州守備一龍門乾體把總二潯州衛一千戶所六標下一中軍官牙山左右部三戰船六十隻官兵一千八百員名雄視海天鯨兒魚旁滅跡故朝廷無南顧之憂焉後因濶洲峻石巉巖泊舟匪便二十七年適有開採之役遂移駐濶洲游擊於永安所永安南去海洋千餘里則瓊州界東至海康所六七百里西抵交夷僅八九百程耳前者職專海防今則防海而兼防夷矣前者戰船六十隻官兵一千八百餘員名今且漸次裁汰改調船僅三十餘隻兵止一千一百有奇矣况當餉絀兵窮人情鬼域珠盜猖狂識者有隱憂焉良於崇禎七年四月自廣陵改任濶洲自維才庸任重日切覆東食旁之虞抑且地涉腥羶迹嫌瓜李刻刻憂讒畏譏救過不暇乞病之文三上而當事堅不允誠哉苦海也竊聞本署先達諸公賢聲藉藉脫穎而登大拜者代不乏人欲揣摩其芳猷美躅景而行之率文獻無徵若彰若沒因思題名一碑安可闕哉用是博訪窮賢姓氏諱號任止久速謹勒諸石俾覽者便之倘見賢思齊見不賢而內自省則是刻也亦未必無小補云崇禎八年孟冬